

গণপ্রজাতন্ত্রী বাংলাদেশ সরকার  
শিক্ষা মন্ত্রণালয়  
কারিগরি ও মাদ্রাসা শিক্ষা বিভাগ  
মাদ্রাসা শাখা-১  
বাংলাদেশ সচিবালয়, ঢাকা-১০০০  
[www.tmed.gov.bd](http://www.tmed.gov.bd)

নং- ৫৭.০০.০০০০.০৫৫.৯৯.০০৩.২৪- ৬৭

তারিখ : ১৯ জ্যৈষ্ঠ ১৪৩৩  
০২ জুন ২০২৬

### প্রজ্ঞাপন

## স্বয়ংক্রিয় সফটওয়্যারের মাধ্যমে বেসরকারি শিক্ষা প্রতিষ্ঠানে (মাদ্রাসা) কর্মরত এমপিওভুক্ত শিক্ষক বদলি নীতিমালা- ২০২৬

দেশের বিভিন্ন অঞ্চলে বেসরকারি শিক্ষা প্রতিষ্ঠানে (মাদ্রাসা) কর্মরত এমপিওভুক্ত শিক্ষক/শিক্ষিকাগণের বদলির ব্যবস্থা থাকা প্রয়োজন। বদলি কার্যক্রম স্বয়ংক্রিয় সফটওয়্যারের মাধ্যমে একটি নীতিমালার আওতায় বাস্তবায়ন হওয়া প্রয়োজন। তাই, বেসরকারি শিক্ষা প্রতিষ্ঠানে (মাদ্রাসা) কর্মরত এনটিআরসিএ সুপারিশপ্রাপ্ত এমপিওভুক্ত শিক্ষকদের জন্য নিম্নোক্ত বদলি নীতিমালা-২০২৬ প্রণয়ন করা হল।

### ১। শিরোনাম:

- ১.১ এ নীতিমালা “স্বয়ংক্রিয় সফটওয়্যারের মাধ্যমে বেসরকারি শিক্ষা প্রতিষ্ঠানে (মাদ্রাসা) কর্মরত এমপিওভুক্ত শিক্ষক বদলি নীতিমালা- ২০২৬” নামে অভিহিত হবে।
- ১.২ এ নীতিমালা জারির তারিখ থেকে কার্যকর হবে।

### ২। প্রযোজ্যতা:

বেসরকারি শিক্ষা প্রতিষ্ঠানে (মাদ্রাসা) এমপিওভুক্ত শিক্ষকগণের জন্য এ নীতিমালা প্রযোজ্য হবে।

### ৩। বদলির সাধারণ শর্তাবলী :

- ৩.১ মাদ্রাসা শিক্ষা অধিদপ্তর প্রতিষ্ঠানভিত্তিক শূণ্যপদের চাহিদা/বিবরণ সরকার কর্তৃক নির্ধারিত সময়ে অনলাইনে প্রকাশ করবে।
- ৩.২ প্রকাশিত শূণ্য পদের বিপরীতে মাদ্রাসা শিক্ষা অধিদপ্তর বদলির আবেদন আহ্বান করবে।
- ৩.৩ সমপদে পদ শূণ্য থাকা সাপেক্ষে, প্রতি বছর সরকার কর্তৃক জারিকৃত প্রজ্ঞাপনের মাধ্যমে নির্ধারিত সময়ের মধ্যে আবেদন গ্রহণ, বদলির আদেশ জারি ও নতুন কর্মস্থলে যোগদান কার্যক্রম সম্পন্ন হবে।
- ৩.৪ আবেদনকারী শিক্ষক/শিক্ষিকা তাঁর চাকরির আবেদনে উল্লেখকৃত নিজ জেলাসহ প্রয়োজনে পারিবারিক সুবিধার্থে যে কোন জেলায় বদলির আবেদন করতে পারবেন।
- ৩.৫ একজন শিক্ষক/শিক্ষিকা শুধুমাত্র সমমানের/সমস্তরের মাদ্রাসায় সমপদে বদলির আবেদন করতে পারবেন।
- ৩.৬ প্রথম যোগদানের পর চাকরি দুই বছর পূর্ণ হলে বদলির আবেদন করার জন্য যোগ্য হবেন।
- ৩.৭ একজন শিক্ষক কর্মজীবনে সর্বোচ্চ ০৩ (তিন) বার বদলি হওয়ার সুযোগ পাবেন।

পাতা-২

- ৩.৮ একটি শূন্য পদের জন্য একাধিক আবেদন পাওয়া গেলে, নিম্নোক্ত অগ্রাধিকার বিবেচনা করতে হবে:
- (ক) নারী  
(খ) দূরত্ব  
(গ) স্বামী/প্তীর কর্মস্থল (সরকারি/আধা সরকারি/স্বায়ত্তশাসিত/এমপিওভুক্ত শিক্ষা প্রতিষ্ঠান)  
(ঘ) জ্যেষ্ঠতা
- ৩.৯ চাকরির জ্যেষ্ঠতা সর্বশেষ জারিকৃত জনবল কাঠামো ও এমপিও নীতিমালা অনুযায়ী গণনা করা হবে।
- ৩.১০ একটি পদের জন্য প্রতিযোগী সকল আবেদনকারীর কর্মস্থল একই উপজেলায় হলে তাদের বর্তমান কর্মস্থলের দূরত্ব সংশ্লিষ্ট উপজেলার কেন্দ্র হতে গণনাপূর্বক সকলের জন্য প্রযোজ্য হবে।
- ৩.১১ একটি পদের জন্য প্রতিযোগী আবেদনকারী বিভিন্ন উপজেলার হলে তাদের কর্মস্থল যে উপজেলায় সে জেলার কেন্দ্র হতে বর্তমান কর্মস্থলের দূরত্ব গণনাপূর্বক সকলের জন্য প্রযোজ্য হবে।
- ৩.১২ একটি পদের জন্য প্রতিযোগী আবেদনকারী বিভিন্ন জেলার হলে তাদের কর্মরত প্রতিষ্ঠান হতে বিভাগীয় শহরের কেন্দ্র এর দূরত্ব গণনা করতে হবে।
- ৩.১৩ দূরত্ব পরিমাপের জন্য জনপ্রশাসন মন্ত্রণালয়ের মডেল অনুসরণ করা হবে।
- ৩.১৪ অসম্পূর্ণ বা ভুল তথ্য সম্বলিত আবেদন বিবেচনাযোগ্য হবে না। ইচ্ছাকৃত ভুল প্রমাণিত হলে শাস্তিযোগ্য অপরাধ হিসেবে গণ্য হবে।
- ৩.১৫ বদলির কার্যক্রম সম্পন্ন হওয়ার পর এনটিআরসিএ অবশিষ্ট শূন্য পদে নিয়োগের সুপারিশ চূড়ান্ত করবে।
- ৩.১৬ একটি শিক্ষা প্রতিষ্ঠান থেকে বছরে ০২ (দুই) জন শিক্ষক বদলির সুযোগ পাবেন। তবে একই বিষয়ে একজনের অধিক শিক্ষক বদলির সুযোগ পাবেন না। (প্রযোজ্য ক্ষেত্রে)
- ৩.১৭ আবেদনকারী শিক্ষক-শিক্ষিকা বদলির আবেদনে সর্বোচ্চ ০৩(তিনটি) কাঙ্ক্ষিত প্রতিষ্ঠানের নাম অন্তর্ভুক্ত করতে পারবেন।
- ৩.১৮ বদলি হয়ে নতুন কর্মস্থলে যোগদানের পর ন্যূনতম দুই বছর কর্মে নিয়োজিত থাকার পর পরবর্তী বদলির জন্য আবেদন করতে পারবেন।
- ৩.১৯ সরকার জনস্বার্থে এমপিওভুক্ত শিক্ষা প্রতিষ্ঠানের শিক্ষক বদলি করতে পারবে।

৪। **বদলির আবেদন নিষ্পত্তিকারী কর্তৃপক্ষ :**

- ৪.১ মহাপরিচালক, মাদ্রাসা শিক্ষা অধিদপ্তর কর্তৃক বদলির আবেদন নিষ্পত্তি হবে।

৫। **আবেদন নিষ্পত্তি প্রক্রিয়া :**

- ৫.১ বদলির সমগ্র প্রক্রিয়া সফটওয়্যারের মাধ্যমে সম্পন্ন হবে।
- ৫.২ কারিগরি ও মাদ্রাসা শিক্ষা বিভাগের অনুমোদনক্রমে মাদ্রাসা শিক্ষা অধিদপ্তর সফটওয়্যার তৈরি ও অনলাইন আবেদনের ফরম্যাট নির্ধারণ করবে।
- ৫.৩ বদলিকৃত শিক্ষকের ইনডেক্স পূর্বের প্রতিষ্ঠান থেকে বদলিকৃত প্রতিষ্ঠানে অন-লাইনে ট্রান্সফার হবে।
- ৫.৪ বদলিকৃত শিক্ষকের এমপিও ও অন্যান্য আর্থিক সুবিধাদি এবং জ্যেষ্ঠতার ধারাবাহিকতা পূর্ববৎ বজায় থাকবে।

৬। **বিবিধ :**

- ৬.১ বদলির আবেদন অধিকার হিসাবে দাবী করা যাবে না।
- ৬.২ বদলিকৃত শিক্ষক কোন ধরনের টিএ/ডিএ পাবেন না।

- ৬.৩ আদেশ জারির ১০ দিনের মধ্যে সংশ্লিষ্ট শিক্ষা প্রতিষ্ঠানের প্রধান বদলিকৃত শিক্ষকের অবমুক্তি নিশ্চিত করবেন।
- ৬.৪ অবমুক্ত হওয়ার পরবর্তী ১০ দিনের মধ্যে নতুন কর্মস্থলে যোগদান করতে হবে। সংশ্লিষ্ট শিক্ষা প্রতিষ্ঠান প্রধান যোগদানের তথ্য চেয়ারম্যান, বেসরকারি শিক্ষক নিবন্ধন ও প্রত্যয়ন কর্তৃপক্ষ (এনটিআরসিএ) ও মহাপরিচালক, মাদ্রাসা শিক্ষা অধিদপ্তর-কে অনলাইনে অবহিত করবেন।
- ৬.৫ অবমুক্তি হতে যোগদান পর্যন্ত দিবসগুলো কর্মকাল হিসেবে গন্য হবে।
- ৬.৬ স্টপ পেমেন্ট, সাময়িক বরখাস্ত ও ফৌজদারী মামলা চলমান থাকলে তিনি বদলীর যোগ্য হবেন না।

৭। রহিতকরণঃ

এ নীতিমালা জারির পর কারিগরি ও মাদ্রাসা শিক্ষা বিভাগ, শিক্ষা মন্ত্রণালয় হতে ১৯ ডিসেম্বর ২০২৪ তারিখের ৫৭.০০.০০০০.০৫৫.৯৯.০০৩.২৪-১৩৬ নং স্মারকের মাধ্যমে জারিকৃত “স্বয়ংক্রিয় সফটওয়্যারের মাধ্যমে বেসরকারি শিক্ষা (মাদ্রাসা) প্রতিষ্ঠানে কর্মরত এনটিআরসিএ সুপারিশপ্রাপ্ত এমপিওভুক্ত শিক্ষক বদলি নীতিমালা-২০২৪” এতদ্বারা রহিত করা হলো।

৮। কারিগরি ও মাদ্রাসা শিক্ষা বিভাগ, শিক্ষা মন্ত্রণালয় প্রয়োজনে এ নীতিমালা পরিবর্তন, পরিবর্ধন, পরিমার্জন ও ব্যাখ্যা করতে পারবে।

৯। যথাযথ কর্তৃপক্ষের অনুমোদনক্রমে এ নীতিমালা জারি করা হলো।



মোঃ দাউদ মিয়া এনডিসি

সচিব

কারিগরি ও মাদ্রাসা শিক্ষা বিভাগ


নং- ৫৭.০০.০০০০.০৫৫.৯৯.০০৩.২৪-৬৭

তারিখ : ১৯ জ্যৈষ্ঠ ১৪৩৩  
০২ জুন ২০২৬

**সদয় অবগতি ও প্রয়োজনীয় কার্যার্থে অনুলিপি প্রেরণ করা হলো (জ্যেষ্ঠতার ক্রমানুসারে নয়):**

১. সচিব, মাধ্যমিক ও উচ্চ শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
২. অতিরিক্ত সচিব (সকল), কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
৩. মহাপরিচালক, মাদ্রাসা শিক্ষা অধিদপ্তর, নিউ বেইলি রোড, ঢাকা।
৪. চেয়ারম্যান, বেসরকারি শিক্ষক নিবন্ধন ও প্রত্যয়ন কর্তৃপক্ষ (এনটিআরসিএ), ঢাকা।
৫. মহাপরিচালক, বাংলাদেশ শিক্ষাতথ্য ও পরিসংখ্যান ব্যুরো (ব্যানবেইস), পলাশী, নীলক্ষেত, ঢাকা।
৬. বিভাগীয় কমিশনার.....।
৭. যুগ্মসচিব (মাদ্রাসা), কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, বাংলাদেশ সচিবালয়, ঢাকা।
৮. চেয়ারম্যান, বাংলাদেশ মাদ্রাসা শিক্ষা বোর্ড, বকশীবাজার, ঢাকা।
৯. চেয়ারম্যান, বাংলাদেশ কারিগরি শিক্ষা বোর্ড, ঢাকা।
১০. মাননীয় মন্ত্রীর একান্ত সচিব, শিক্ষা মন্ত্রণালয়, বাংলাদেশ সচিবালয়, ঢাকা।

১১. জেলা প্রশাসক.....(সকল)।
- ১২ সচিব মহোদয়ের একান্ত সচিব, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা।
- ১৩ উপপরিচালক, বাংলাদেশ সরকারি মুদ্রণালয়, তেজগাঁও, ঢাকা (প্রজ্ঞাপনটি বাংলাদেশ গেজেটের পরবর্তী সংখ্যায় প্রকাশের অনুরোধসহ)।
১৪. সিস্টেম এনালিস্ট, কারিগরি ও মাদ্রাসা শিক্ষা বিভাগ, শিক্ষা মন্ত্রণালয়, ঢাকা।
- ১৫ উপজেলা/থানা মাধ্যমিক শিক্ষা অফিসার.....।
- ১৬ অধ্যক্ষ/সুপার.....।



০২১ ০৮১ ২০২৫  
(মো: রাহাত মান্নান)

উপসচিব

ফোন : ০২-৫৫১০১১২৭

dsmad@tmed.gov.bd